

Gveicouh Guengjsae Beixnuengx Henzgyawj Gaemfwngz Caezlaeb “Gyaranz Ceiq Gyaeu”

黔桂友邻同胞携手共建“最美家庭”



▲ Beixnuengx Myauz Dung Gveicouh caeuq Yungzsuij itheij diuq fouxcaijdangz.



▲ Beixnuengx Duncuz biuj-yienj gofoux.

11 nyied 11 hauh, youq Yungzsuij Myauzcuz Swciyen Dungkou Cin, beixnuengx Myauz Dung daj Gveicouh Cungzgyangh Yen Doulij Yangh、Yungzsuij Myauzcuz Swciyen Dungkou Cin mbanj henzgyawj daeuq haenx itheij fwngz rag fwngz diuq fouxcaijdangz. Dangngoenz, Liujcouh Si Fulenz、Yungzsuij Yen Fulenz、Doulij Yangh Cwngfuj lienzhah banh “fulenz senhcin singqbied vwnzva nem gyaranz ceiq gyaeu hoih gojgaeq haeu henzgyaiq Mbanjmyauz Mbanjdung” hozdung, doenggvaq hoih gojgaeq、hoih faenyienj、hoih baijyienj daengj hingzsik gangj gyaranz vwnzmingz hwnjguh, fatyienz senhcin singqbied vwnzva.

(Veiz Dingjbyauh/韦鼎标 Veiz Mingz/韦明)

Denzyangz: Seiz Laebdoeng Singzgeq Vih Siminz Yienj Vwnzva Cezmuz Ndeiyawj

田阳：立冬时节古城为市民送上丰盛文化大餐

11 nyied 8 hauh dwg laebdoeng, dangngoenz banhaemh, Denzyangz Yen geij cien boux siminz doxcomz youq Singzgeq Denzcouh, yawjngonz gaiq daih’it fouxgvangjangz doxdax、heiqbaizgiuz doxdax, doenghgij hozdung neix vih geiqniemh singzgeq hai gai hopbi ndeu banh, vwnzva heiqfaenh naekna hawj vunzlai gvaq aen laebdoeng mbouj bingzciengz he.

Ciuq cam rox, vih geiqniemh hai gai hopbi ndeu, 11 nyied 6 daengz 8 hauh, Singzgeq Denzcouh banh gak cungj angqhoh hozdung, cawz gij hozdung baihgwnz gangj le, lij miz fouxsaux、dujshw cunzyouz daengj lai cungj minzsuz vwnzva guhcaemz hozdung dem, vih gyoengq siminz caeuq hekyouz soengq hwnj gij vwnzva cezmuzyawj.

(Vangz Gowsun/黄国顺)



▲ Foux gvjangcangz doxdax.



▲ Heiqbaizgiuz dwk ndaej caen ndeiyawj.

Cauhbingz: Diemj Feizdong Angqhoh Fungsou

昭平：燃起篝火庆丰收

11 nyied 7 hauh banhaemh, Cauhbingz Yen Canghmuzlinz Yangh Sanhgyangh Cunh Mbanjhozvuz banh “angqhoh fungsou feizdong vanjvei”. Haemhhaenx, 500 lai boux hekyouz yawjngonz daejniemh le nungzgya lienhdang gienzlingz biujyienj、goengfou faexmbaenq

biujyienj、gangq aenmaenz daengj gak cungj gak yiengh hozdung, hawj hekyouz caenhcingz yiengjsouh le baez vwnzva ngaizhoengh hunghoengh he, cungfaen daejniemh daengz gij yinxdaeuz ndeiraeuh “yawj minzsuz、gwn gijgwn ndei”de.

(Liuz Feih/刘飞)



▲ Humx youq henz feizdong diuq foux.



▲ Gwn ngaiznungzgya.

Byaij Haeuj Sinhvuz Siujyoz, Roxyiuj Minzcuz Conzdungj Vwnzva

走进新屋小学，感受民族传统文化魅力

11 nyied 9 hauh, Namzningz Si Gyanghnanz Gih Sinhvuz Siujyoz banh aen cawjdaez dwg “fatyienz minzcuz vwnzva” dozveh fwngz veh cozbincanj ndeu. Sinhvuz Siujyoz gungh sou ndaej camcanj cozbini 300 lai gienh, ginggvaq bingzsaemj, senh haeuj baez cozbincanj neix gungh miz 150 lai gienh cozbini. Doenghgij minzcuz vwnzva dozveh cozbini neix daezcaiz fungfouq, funggek lai yiengh, caux ok le gij heiqfaenh minzcuz vwnzva ndei, mboujdan fanjyingj gyoengq doengzhag cingsaenz yienghsienq gaenxmaenx doxhwnj caeuq saedceij yienghceij vuenyungz, vanzlij gyoebcomz baijyienj le gij cingzciik Sinhvuz Siujyoz fatyienz minzcuz vwnzva daezcaiz dozveh fwngz veh.

(Moz Cingh/莫青)



▲ Gyoengq siujhagseng cingq yawjngonz dozveh cozbini.